

ԱՐԵՎԵՐԻ ՀԱՅԱՍՏԱՆԻ ՌԵՍԱՍՏԱՆԻ ՏԵՄ ԺԻԱԳՐՈՒՄ
150-ամյակի առթիվ

ԷԶԵՄԻԱՄԵՆԻ ԿԱԹՈՂԻԿՈՍՈՒԹՅՈՒՆԸ ԵՎ ՀԱՅ-ՌՈՒՍԱԿԱՆ
ՀԱՐԱՔԵՐՈՒԹՅՈՒՆՆԵՐԸ XVII Դ. ԱՌԱՋԻՆ ՔԱՌՈՐԴՈՒՄ

ՅՐՈՒՆՁՆ ՊՈՂՈՍՅԱՆ

Դարերի խորքից եկող հայ-ռուսական հարաբերությունները XVII դ. առաջին քառորդում աննախընթաց վերելք ապրեցին՝ կապված Պյոտր I-ի, «Պարսկական արշավանքի» և հայ ժողովրդի ազատագրական պայքարի հետ։ Այս շրջանում հայ և ռուս ժողովուրդների բարեկամությունն ու հայ-ռուսական հարաբերությունները խորությամբ և լայնությամբ թևակոխեցին նոր շրջափուլ։ Ոգեկորված ռուսական արքունիքի տված խոստումներով և հատկապես ձեռնարկած առաջին քայլերով, հայ ժողովուրդը իր դարավոր կեղեքիչների դեմ ազատագրական պայքարի դրոշ պարզելով, ցանկանում էր հյուսիսի մեծ բարեկամի օգնությամբ վերջնականապես թոթափել պարսկական և թուրքական բռնակալական լուծը։ Չնայած XVIII դ. առաջին 30-ամյակի ազատագրական պայքարի և նրա հետ սերտորեն կապված հայ-ռուսական հարաբերությունների պատմությունը հանգամանորեն ուսումնասիրված է հայ պատմաբանների, հատկապես սովետահայ պատմաբանների կողմից, այնուամենայնիվ այդ ուսումնասիրություններում արտաքուստ մասն թվացող առանձին հարցեր ըստ արժանվույն չեն պարզաբանված, իսկ որոշ դեպքերում էլ մեկնաբանված են լրիվ հակառակ դիրքերից։ Դրանցից են մեզ հետաքրքրող ժամանակաշրջանում էջմիածնի կաթողիկոսության՝ հայ-ռուսական հաբաբերություններն ու հայ ազատագրական շարժումներն ունեցած վերաբերմունքի և ծայրի Հասան Զալալյանի գործունեության վերջին տարիների գնահատման հարցերը։

Էջմիածնի և ընդհանրապես Երևանի շրջակայքի հայության վերաբերմունքը դեպի հայ ժողովրդի ազատագրական պայքարն ու հայ-ռուսական հարաբերությունները, ինչպես նաև Ղարաբաղի սղնախների հետ էջմիածնի կապի հարցը կազմում են հայ ժողովրդի՝ Ռուսաստանի նկատմամբ ունեցած վերաբերմունքի, հայ-ռուսական հարաբերությունների, այսինքն՝ զլխավոր հարցի մի մասը։ Նշված հարցերի ճիշտ պարզաբանումը խիստ կարևոր է նաև այդ շրջանում էջմիածնի, այսինքն փաստորեն Արարատյան աշխարհի, դեպի հայ-ռուսական հարաբերություններն ու ազատագրական շարժումներն ունեցած վերաբերմունքի կապակցությամբ։

Սկզբնաղբյուրները վկայում են, որ իրականությանը բոլորովին չի համապատասխանում Եզովի այն կարծիքը, ըստ որի, իբր, «էջմիածնի ամենայն հայոց կաթողիկոսական աթոռի՝ ռուսական կառավարության հետ պաշտոնա-

կան հարաբերությունների սկիզբը վերաբերում է XVIII դ. երկրորդ կեսին, նկատելի է II կայսրուհու թագավորության շրջանին¹։

Հայտնի է, որ դեռևս XVII դ. 70-ական թվականների սկզբին հայրենասեր կաթողիկոս Հակոբ Զուղայեցին հատուկ նամակով դիմել է ռուսական ցարին, խնդրելով, որ ռուսական կառավարությունը օժանդակի, պաշտպանի հայերին, միջնորդի պարսկական շահի առաջ՝ դադարեցնելու հայերի նկատմամբ դժգոհությունը հալածանքները։ Այդ նամակը² փաստորեն հայ-ռուսական քաղաքական հարաբերությունների սկզբնավորման ուղղությամբ կատարված առաջին և կարևոր քայլերից մեկն էր։

Այնուհետև պաշտոնական նամակով ռուսական արքունիքին է դիմել Ալեքսանդր Զուղայեցի կաթողիկոսը (1706—1715)։ Իսրայել Օրու էջմիածնում գտնվելու կապակցությամբ 1709 թ. հունիսի 7-ին Պյոտր I-ին հղած նամակում նա հայտնում է հետևյալը. «Մեր սիրելի որդի Իսրայելը հանդիպեց սուրբ աթոռս, որին մենք սիրով և մեծ ուրախությամբ ընդունեցինք, շափեց ավելի սեր և ընդունելություն ցույց տվինք։ Նա ամեն ինչ մեկ առ մեկ պատմեց մեզ, մենք ուրախացանք և ցնծացինք, օրհնելով օրհնեցինք Ձեզ։ Թող աստված հաստատ ու պայծառ պահի Ձեզ՝ որպես քրիստոնյա ազգիս պարծանք»³։ Ժիշտ է, հայ եկեղեցու վեհապետը նամակում բացահայտ քաղաքական հարցեր չի արծարծում, սակայն պարզ երևում է, որ ոչ միայն կաթողիկոսը, այլև նրան մոտ կանգնած մարդիկ լիովին հավանություն են տվել Օրու քաղաքական ծրագրին, այսինքն՝ Ռուսաստանի օգնությամբ Հայաստանն ու հայ ժողովրդին ազատագրելուն, մի բան, որը խոստացել էր Պյոտր I-ը և որի համար էլ նրանք «օրհնելով օրհնում» էին նրան։ Աղբյուրները վկայում են, որ Ալեքսանդր Զուղայեցու հաջորդ Աստվածատուր Համադանցին (1715—1725) էլ ավելի հակվեց դեպի հայ ժողովրդի ազատագրական պայքարն ու հանգեց Ռուսաստանի օգնությամբ Հայաստանն ազատագրելու գաղափարին։ Այս հարցում, անշուշտ, մեծ գեր խաղացին 1716 թ. Արևելյան Հայաստան եկած Իսրայել Օրու ընկեր Մինաս վարդապետ Տիգրանյանցը, ինչպես նաև Եսայի Հասան Զալալյանի հանդիպումները Աստվածատուր Համադանցու հետ։

Աստվածատուր Համադանցու գործունեության, մասնավորապես մեզ հետաքրքրող հարցերի վերաբերյալ, խիստ արժեքավոր տեղեկություններ են պահպանվել XVIII դ. 20-ական թվականներին կազմակերպված հայկական առաջին կամավորական ջոկատներից մեկի հրամանատար Պետրոս դի Սարգիս Գիլանենցի «Ժամանակագրությունում»։

Խոսելով Պետրոս I-ի «Պարսկական արշավանքի» կապակցությամբ Թուրքիայի շտապ պատերազմական պատրաստությունների մասին, Գիլանենցը միաժամանակ հայտնում է, որ 1722 թ. սեպտեմբերի 8-ին ինքը Կարսում եղած ժամանակ ականատես է եղել հետևյալին։ Այդ ժամանակ մեռն օրհնելու կապակցությամբ կաթողիկոսը Կարսի և նրա շրջակա հայությանը հրավիրած է լինում էջմիածին, սակայն Կարսի փաշան հայերին խստիվ արգելում է մեկ-

1 Г. А. Эзов, Начало сношений эчмиадзинского патриаршего престола с русским правительством, Тифлис, 1901, стр. 1.

2 «Армяно-русские отношения в XVII в.», т. I, Ереван, 1953, стр. 98.

3 Центральный государственный архив древних актов (ЦГАДА), ф. 100, 1707—1711. д. 1, л. 32, *տե՛ս նաև* «Армяно-русские отношения в первой трети XVIII в.», ч. I, Ереван, 1964, док. 155.

նեղու էջմիածին, պատճառաբանելով, որ «օսմանցուն ըռայեաթ խայ շը գընայ էջմիածինն և ասաց՝ թէ ձեր կաթողիկոսն ըռուստին խետ միայն վերվել այ և ըռուսան բերել այ ղզլբաշի երկիրն՝ որ գոն մեզ վերայ: ...Յաղայ էս մահանօվն ուզէք գընէք... որ մենք վարթարֆ լինենք, դուք ուրախանէք...»⁴:

Այնուհետև Գիլանենցը պատմում է, որ 1723 թ. սկզբներին Թուրքիայի պատվիրակը գտնվելով Երևանում, սուլթանի անունից պահանջում է, որպեսզի Երևանի խանութունը հանձնվի Թուրքիային, իսկ վերադարձին՝ ապրիլի 2-ին, գտնվելով էջմիածնում, Աստվածատուր կաթողիկոսին հայտարարում է հետևյալը. «...դու էլ մեծ սուլի (այսինքն հանցանքի—Ֆ. Պ.) տէր աս, որ ըռուստին հետ մին աս դառցել, էսչանք խայ աս կանգընացուցել՝ որ ասում ան՝ թ/ ԿՌ (60) հազար հայ երաղօվ հազիր ան՝ որ քոյ խօսկօվն ան խայէրն վեր ան կացել, դու էլ շատ նեղութիւն կը քաշես, էս պատճառիւ, որ ուղես ըռուստն ևս ձեր երկրօվն բերէս մեր երկիրն»⁵:

Վերոհիշյալ փաստերից պարզ կերպով երևում է, որ Աստվածատուր կաթողիկոսը եղել է հայ ժողովրդի ազատագրական պայքարի և Ռուսաստանի օգնությամբ Հայաստանը Թուրքական և պարսկական բռնակալական տիրապետությունից ազատագրելու ոչ անտարբեր կողմնակիցը: Գիլանենցի հաղորդած տեղեկություններից երևում է, որ այդ ժամանակ ամենուրեք թե՛ Թուրքիայում և թե՛ Պարսկաստանում տարածված էր այն կարծիքը, որ էջմիածնի կաթողիկոսի «խօսկօվն ան խայէրն վեր ան կացել», որ հայոց «կաթողիկոսն ըռուստին խետ միայն վերվել այ» և այլն:

Էջմիածնի և ընդհանրապես Արարատյան աշխարհի հայության ոռուսական կողմնորոշում ունենալու մասին արժեքավոր տեղեկություններ ունենք նաև 1724 թ.: Ռուսաստանի պատվիրակ Իվան Կարապետի Ղարաբաղում գտնվելու կապակցությամբ էջմիածնի աթոռակալ Հովասափ վարդապետը 1724 թ. մարտի 13-ին սղնախների յուզբաշիններին ուղղված նամակում նկարագրելով էջմիածնի, Երևանի և նրանց շրջակայքի հայության «անպատմելի և անասելի» նեղությունները, ծանր կացությունը, միաժամանակ հայտնում է, որ հայերի միակ հույսն ու «ակնկալութիւնն հիւսիսայինն է, նորա գալստեանն և ճանապարհին են սպասում, դապուլ են հիւսիսայնոց գալստեանն... այլոց ակնկալութիւն չունին, այլ միայն հիւսիսայնոցն կու սպասեն: Դոցա օգնականութիւնն և գալուստն չուտով լինի, քանի որ թշնամաց ձեռն չեմք մատնվել, դերի և աւար չեն հարկաներ, շուտով գայցեն, մեզ այցելութիւն և ազատութիւն լիցի»⁶:

Այնուհետև, կարծես հետագայում թյուրիմացությունների տեղիք չտալու համար, Հովասափը ավելացնում է, որ դա ոչ միայն իր անձնական ցանկությունն է, այլև հայ մեծամեծների, բոլոր հայության. «Եւ տեղոյս մեծամեծ աղայնոց խորհուրդն հարցանէք, միտքն և խորհուրդն և գիտաւորութիւնն առ հիւսիսայինքն են, միշտ կու սպասեն դոցա գալստեանն, այլ ամենեցուն հետ մասն և խորհուրդ ոչ ունին»⁷:

⁴ «Ժամանակագրություն Պետրոս դի Սարգիս Գիլանենցի» («Կոռնկ», Թիֆլիս, 1863, հոդ. 96):

⁵ Նույն տեղում, հոդ. 102:

⁶ Архив внешней политики России (АВПР), ф. «Сношения России с Арменией», 1724, д. 4, лл. 8—9.

⁷ Նույն տեղում:

Սկզբնաղբյուրները վկայում են նաև, որ մեզ հետաքրքրող ժամանակաշրջանում էջմիածինը ոչ միայն ազատագրական պայքարի կողմնակից է եղել, այլև որոշակի կապերի մեջ է գտնվել Ղարաբաղի ազատագրական պայքարի ղեկավարների հետ: Ահա թե ինչ է գրել այդ մասին Գիլանենցը. «Մեր կաթողիկոսն հայոց ասկարին իւէտ մին այ՝ որ յամիշայ գաղտուկ մին ըզմինու գիր ան էլէլ գրում»⁸: Այնուհետև Գիլանենցը հայտնում է, որ հայ զինվորականութեանն ուղղված կաթողիկոսի նամակներից մեկը ընկել է թշնամու ձեռքը և հանձնվել Սրեանի նայիբին: Վերջինս բանտարկել է կաթողիկոսին և միայն անվանի մարդկանց միջնորդութիւնից և 4 հազար ոսկի ստանալուց հետո է ազատել նրան: Մի այլ առիթով Գիլանենցը տեղեկացնում է, որ Սրեանի նայիբը բռնութեամբ կաթողիկոսին ստիպել է հայոց զորքերին գրել «թէ Յարևանայ մարդիքն մեղ դօստ ան, էտոնց դէկմիշ շնէք և գէք ոչ՝ էս երկիրըն մտնէք, խարաք առէք...», սակայն, որովհետև այդ ամենը հակառակ էր կաթողիկոսի կամքին, նա վտանգի ենթարկելով իր կյանքը, նամակի վերջում ավելացրել է. «թէ դուք ինչպես խերիաթ կը տեսնեք, էնպես արէք, ձեր գիտցածն ձեռաց տէք ոչ...»⁹:

Չարմանալիորեն այս արժեքավոր փաստերը ինչպես հարկն է ուշադրության չեն արժանացել, իսկ վաստակաշատ Լեոն ելնելով Մինաս վարդապետին Աղվանից կաթողիկոս Սսայի Հասան Ջալալյանի 1718 թ. սեպտեմբերի 24-ին գրած նամակում էջմիածնիցիների հասցեին արված մի ակնարկից, որ պետք է զգուշանալ նրանցից, հանգել է բոլորովին այլ եզրակացության: Նա գրել է, որ այդ «...համառոտ ակնարկութիւնը բաց է անում մեր առջև հայոց պատմութեանն այնքան լավ հայտնի մեծ չարիքը՝ ընտանի վատութիւնը, որին զոհ էին գնում հայրենիքի ամենավեհ և ամենանվիրական շահերն անգամ: Պարզ երևում է, որ էջմիածինը չէր ուզում բավականանալ այն անտարբեր դիրքով, որ բռնել էին նրա մի քանի կաթողիկոսները հայոց հարցի վերաբերմամբ, այլ աշխատում էր նաև վնասել այդ գործին՝ մատնութիւնների միջոցով»¹⁰: Բացի այդ, Լեոն էջմիածնի և Աղվանից կաթողիկոսութեան միջև ծագած վեճի պատճառը նույնպես տեսնում էր այն բանում, որ, իբր, Սսայի Հասան Ջալալյանը կողմնակից էր հայ ժողովրդի ազատագրական պայքարին, իսկ էջմիածինը՝ դեմ էր: Նա գրել է. «Այն ժամանակից, երբ Սսայի կաթողիկոսը հանդես եկավ իբրև հայկական շարժման պարագլուխ, էջմիածնի և Գանձասարի միջև բորբոքվեց հին հակառակութիւնը»¹¹: Ջարգացնելով իր տեսակետը, Լեոն գտնում էր, որ, իբր, ազատագրական պայքարի հետ Սսայու կապվելու պատճառով Շամախու թեմի շուրջը վեճ բացվեց էջմիածնի և Գանձասարի միջև, որ էջմիածինը տեսնելով ազատագրական պայքարին Սսայու ակտիվորեն հարելը. ուզում էր նրանից խլել այդ թեմը:

Նախ, Սսայու ռուսական կողմնորոշում ունենալու և ազատագրական պայքարին կողմնակից լինելու հանգամանքը էջմիածնին նոր չէր, որ հայտնի էր: Դա շատ լավ գիտեր ինչպես Աստվածատուր Համադանցին, այնպես էլ նրա նախորդ Ալեքսանդր Զուղայեցին և վերջինս էր, որ, այդ ամենը լավ իմանալով

⁸ «Կոունկ», 1863, հոդ. 104:

⁹ Նույն տեղում, հոդ. 105:

¹⁰ Լեոն, Հայոց պատմութիւն, հ. 3, Երևան, 1946, էջ 601:

¹¹ Նույն տեղում:

Հանդերձ, 1708 թ. Շամախու թեմը հանձնեց Աղվանից կաթողիկոս Ծսայուն¹², իսկ թե ինչու և ինչպե՞ս պատահեց, որ հետագայում Աստվածատուր կաթողիկոսը Շամախու թեմը հետ վերցրեց Աղվանից կաթողիկոսի ենթակայությանից, այս հարցերի պատասխանները հստակ կերպով տրված են «Ջամբուում»¹³, Սիմոն Երեանցու և հենց իր՝ Աստվածատուր կաթողիկոսի, այն կոնդակներում, որոնք ուղղված են Շամախու հասարակայնությանն ու Աղվանից կաթողիկոս Ծսայուն։ Սիմոն Երեանցին գրում է, որ երբ Աստվածատուր Համադանցին ընտրվեց կաթողիկոս «...Ծսային թէ ի խառնակմանց ժամանակին, և թէ ի բարձրավելութենէ, ոչ գայ երկար միջոցաւ առ Աստուածատուր կաթողիկոսն մեր ի տեսութիւն, որպէս և սովորութիւն էր, զի ի նոր նստիլ կաթողիկոսին էջմիածնի, Աղուանից կաթողիկոսն գայր ի շնորհաւորել և ի տեսութիւն...: Վասն որոյ և Աստուածատուր կաթողիկոսն մեր ևս բարկացեալ ի չգալն նորա, վերստին Տէրունի առնէ զՇամախի, զՇիրվան, զՇաքի, և զշրջակայսն սոցա, և յինքն գրաւէ որպէս յառաջն լեալ էր և Աղէքսանդր կաթողիկոսն Գանձասարու էր շնորհեալ...»¹⁴, ինչպե՞ս տեսնում ենք, այստեղ պարզ ու որոշակիորեն տրված են այն պատճառները, որոնցից ելնելով Աստվածատուր Համադանցին Շամախու թեմը հետ էր վերցրել Գանձասարից, իսկ երբ 1719 թ. Ծսայի Հասան Զալալյանը ներկայանում է Աստվածատուր կաթողիկոսին և պատմում Գանձասարի «...աղքատութեան և զի ներքոյ բազմաց պարտուց անկանիլն...»¹⁵ նրա, էջմիածնի կաթողիկոսը սիրով Շամախու թեմը նորից հանձնում է նրան։ Ավելին, երբ դրանից հետո Շամախու թեմը հրաժարվում է ենթարկվել Գանձասարին, պատճառաբանելով, «թէ մեք էջմիածնի եմք վիճակք, Գանձասարու ոչ ունիմք զպարտս»¹⁶ և այդ հարցով Ծսային նորից է մեկնում էջմիածին, Աստվածատուր կաթողիկոսը ոչ միայն անուշադրութեան չի մատնում նրա խնդրանքը, այլև կրկին անգամ կոնդակ է տալիս, այս անգամ արդեն ոչ միայն Շամախու, այլ նաև Թի վերայ... Շաքու, Ղաբալու, և այլոց շրջակայիցն...»¹⁷, կոնդակում Աստվածատուր կաթողիկոսը Ծսայուն համարում է իր եղբայրը, բնակչությանը պարտավորեցնում «հնաղանդիլ և ընդունիլ» Ծսայի կաթողիկոսին, նշելով, որ նրան հակառակողը իրեն է հակառակում։ Բացի այդ, նա Գանձասարին է հանձնում նաև Գանձակի (Կիրովաբադի) վիճակն ու հատուկ կոնդակով թույլատրում հանգանակութիւն անելու նախիջևանի, Գողթնի (Ագուլիս), Ղափանի և Թիֆլիսի թեմերից։ Ինչպե՞ս տեսնում ենք, էջմիածինը և առանձնապէս Աստվածատուր կաթողիկոսը ոչ թե թշնամաբար էին վերաբերվում Ծսայի կաթողիկոսին՝ ազատագրական պայքարին նրա մասնակցութեան համար, այլ ընդհակառակը, արտակարգ սիրալիրութիւն էին ցուցաբերում նրա նկատմամբ, հնարավորութեան սահմաններում օգնելով ու օժանդակելով նրան։ Այդ սիրալիրութեան պատճառը պետք է որոնել այն մեծ գործի մեջ, որին ակտիվորեն մասնակցում էր Ծսային և որին հոգով ու սրտով կողմնակից էր նաև էջմիածինը։ Անշուշտ, Աստվածատուր կաթողիկոսը այդ ժամանակ գործից անտեղյակ չէր, իսկ նրա հանդիպումները Ծսայու հետ հնարավոր-

12 Սիմոն կաթողիկոս Երեանցի, Ջամբու, Վաղարշապատ, 1873, էջ 63:

13 Նույն տեղում:

14 Նույն տեղում:

15 Նույն տեղում, էջ 84:

16 Նույն տեղում:

17 Նույն տեղում:

րություն էին տվել ավելի մոտիկից ծանոթանալու գործերի ընթացքին և ավելի հակվելու ռուսների օգնությամբ Հայաստանն ազատագրելու գաղափարին: Սկզբնաղբյուրում եղած այն ակնարկից, թե Սսային Աստվածատուրին պատմեց ռդի ներքոյ բազմաց պարտուց անկանիլն իւր» կարելի է եզրակացնել, որ Լսային Աստվածատուրին հանգամանորեն նկարագրել է ստեղծված իրավիճակը, ազատագրական պայքարի կազմակերպման համար ծախսված և ծախսվելիք գումարների անհրաժեշտությունը, որին և հավանություն է տվել Աստվածատուր կաթողիկոսը, ընդառաջելով նրա ցանկություններին:

Ինչ վերաբերում է 1718 թ. սեպտեմբերի 24-ին Հասան Զալալյանի՝ Մինաս վարդապետին ուղղած նամակին, որում իրոք նա խնդրում է զգուշություն պահպանել Շամախիում եղած էջմիածնականներից և որը վկայակոչում է Լեոն, ապա այդ մասին պետք է ասել հետևյալը.

1. Նախ պետք է հաշվի առնել, որ 1718 թ. իրոք Գանձասարի և էջմիածնի հարաբերությունները վատ էին, բայց, ինչպես ցույց տվեցինք վերևում, ոչ հայ-ռուսական հարաբերությունների կամ ազատագրական պայքարի պատճառով:

2. Նամակից պարզ երևում է, որ Հասան Զալալյանի խոսքը վերաբերում է ոչ թե ուղղակի էջմիածնին, այլ Շամախիում եղած էջմիածնականներին:

3. Բոլորովին չի բացառվում նաև այն հանգամանքը, որ, ինչպես Շամախիում եղած որոշ էջմիածնականներ, այնպես էլ հենց բուն էջմիածնում առանձին անձնավորություններ, ինչ-ինչ նկատառումներով հնարավոր է, դեմ են եղել հայ ժողովրդի ազատագրական պայքարին, Ռուսաստանի օգնությամբ Հայաստանը ազատագրելու գաղափարին: Սակայն պատմագիտությունը երևույթին ոչ բնորոշ, նրա էությունից չբխող, մասնակի դեպքերից չէ, որ եզրակացությունների պիտի հանգի, ընդհանրացումներ կատարի: Վերոգրյալից բացի, ժամանակներն այնպիսին էին, որ իր իսկ՝ Սսայու, բնութագրությամբ հայությունն ապրում էր օձերի մեջ», որ թեթե իր նամակներից մեկն ընկներ լրտեսների կամ առհասարակ շար մարդու ձեռք...», հայերի համար կործանարար հետևանքներ կունենար: Պարզ է, որ նման պայմաններում, նա պետք է ցուցաբերեր ծայրահեղ զգուշություն: Այս բոլորով հանդերձ մեզ է հասել նաև Աստվածատուր կաթողիկոսի 1724 թ. սեպտեմբերի 4-ի նամակը՝ ուղղված Աղվանից կաթողիկոս Սսայի Հասան Զալալյանին: Այդ նամակով նա վերջինիս հայտնում է, որ Երևանը թուրքերը գրավել են, այլևս ուրիշ հույս չկա ու խորհուրդ է տալիս պատվիրակություն ուղարկել թուրքերի մոտ, ընդունել նրանց հպատակությունը և փրկել ժողովրդին մասսայական կոտորածից, նշելով. որ հակառակ դեպքում երբ թուրքաց զորքերն... ձեզ մոտ գան, այն ժամանակ նրանք ձեզ բոլորիդ կկոտորեն և գերի կվերցնեն. և մի սպասեք, որ նրանք գան և ձեզ ջարդեն ու կտոր-կտոր անեն, ու մենք այդ բանը տեսնենք մեր աչքերով»¹⁸:

Երկու կարծիք լինել չի կարող, որ Աստվածատուր կաթողիկոսի վերաբերմունքում առերես կատարած փոփոխությունը պարզապես քաղաքական փոփոխված իրադրության հետևանք էր: Հայտնի է, որ այդ ժամանակ թուրքերն արդեն գրավել էին էջմիածինն ու Երևանը իրենց շրջակայքով, օղակել Ղարա-

¹⁸ Г. А. Эзов, Сношение Петра Великого с армянским народом, СПб., 1898, стр. 378.

բաղը և կանգնել նրա նախադրանքը: Հասկանալի է, որ նման պայմաններում Աստվածատուր կաթողիկոսը այլևս ոչինչ անել չէր կարող. նրան մնում էր միայն խոհեմաբար հնազանդվել նվաճողի ողորմածությանը և այդ ճանապարհով կոտորածից փրկել ժողովրդին: Ավելին, հավանաբար Աստվածատուր կաթողիկոսն այդ նամակը գրել է հենց թուրքերի պահանջով, հակառակ իր ցանկության, ինչպես ժամանակին պարսիկների պահանջով նա նման մի նամակ էր գրել սղնախների ղեկավարներին: Այդ մասին տեղեկացնում է Գիլանենցը, միաժամանակ շեշտելով, որ դա նա կատարել էր իր կամքին հակառակ:

Այսպիսով, սկզբնաղբյուրներում պահպանված տեղեկությունները հնարավորություն են տալիս վստահորեն ասելու, որ էջմիածինն ու Երևանը իրենց մեծամեծներով ու շրջակա հայությանը հանդերձ XVIII դ. առաջին քառորդում չեղել են ազատագրական պայքարի կողմնակից և ունեցել են ռուսական կողմնորոշում, միայն թե գործել են ժամանակի քաղաքական պայմաններին համապատասխան:

Այս շրջանի հայ-ռուսական հարաբերությունների և ազատագրական շարժման հետ սերտորեն կապված է նաև հայկական ազատագրական շարժման խոշոր գործիչ ու միաժամանակ պատմագիր Ծսայի Հասան Զալալյանի գործունեության վերջին տարիների գնահատման հարցը: Լինելով հայ ժողովրդի ազատագրական պայքարի ջերմ կողմնակիցն ու ակտիվ կազմակերպիչներից մեկը և ունենալով բացահայտ ռուսական կողմնորոշում, այնուամենայնիվ առանձին ուսումնասիրություններում չի տրված այդ հայրենասեր գործչի կյանքի վերջին շրջանի գործունեության հստակ բնութագիրը, իսկ պատմական գիտությունների դոկտոր Պ. Հարությունյանը նրան համարել է դավաճան:

Հանգուցյալ պատմաբանը XVIII դ. առաջին քառորդի հայ ժողովրդի ազատագրական պայքարին նվիրված իր արժեքավոր աշխատության¹⁹ մեջ, առանց բազմակողմանի և հանգամանորեն վերլուծելու սկզբնաղբյուրները, Ծսայի Հասան Զալալյանի գործունեությունը բաժանել է երկու շրջանի՝ 1709—1724 թթ., և 1724—1727 թթ.²⁰: Ըստ նրա, Ծսայի Հասան Զալալյանն իր գործունեության առաջին շրջանում ակտիվ դեր է խաղացել երկրի ազատագրման, Ռուսաստանին միանալու շարժման, հայ-վրացական ուժերի միավորման և այլ հարցերում, իսկ երկրորդ շրջանում, սկսած 1724 թ. սկզբներից, աստիճանաբար հեռացել է այդ շարժումից և, ի վերջո, դարձել բացահայտ դավաճան²¹: Իր այս տեսակետը հաստատելու համար Պ. Հարությունյանը վկայակոչում է հիմնականում երկու փաստ՝ Պյոտր I-ի պատվիրակ Իվան Կարապետին 1724 թ. մարտի 5-ին Ծսայի Հասան Զալալյանի դրած նամակը և Ավան ու Օհան յուզբաշինների 1726 թ. նոյեմբերի 15-ի նամակը՝ ուղղված ռուսական արքունիքին: Այժմ մի կողմ թողնենք 1724—1726 թթ. օգնության հարցով ռուսական արքունիքին Ծսայի Հասան Զալալյանի գրած մի շարք աղերսական նամակները և ըստ ամենայնի քննության առնենք հենց իր՝ Պ. Հարությունյանի, վկայակոչածը: Իվան Կարապետին ուղղված նամակում սովորական առաջաբանից

¹⁹ П. Т. Арутюнян, Освободительное движение армянского народа в первой четверти XVIII века, М., 1954.

²⁰ Նույն տեղում, էջ 232:

²¹ Նույն տեղում, էջ 232—233:

հետո Ծսայի Հասան Զալալյանը հայտնում է հետևյալը. «Այս տղայոց դեղի վերայ կուին՝ ինձ վերայ թօհմաթ (կշտամբանք—Ֆ. Պ.) էք գրել, ես դոցայ վաթիլ (յիւզոր, վկա—Ֆ. Պ.) չեմ, կամ թէ ո՞ւմ են լսում: Դուք հալա Փարազ էիք, որ ես էն տեղէն դուրս եկի, գնացի ներքի գեղարէնքն, այլ չգիտեմ՝ ի՞նչ բանի վերայ այդպէս արին: Յառաջ էլ եկելին պարիշել, հիմա էլ էդպէս են արել: Ծս ի՞նչ անեմ, մեք խու աջիղ (անճարակ, խեղճ—Ֆ. Պ.) իլանք դոցայ ձեռն իլթիմաղ (աղաչանք, խնդրանք—Ֆ. Պ.) անելէն, մէկին հետ խօսում ես, մէկն է խռովում: ...Նոր չէք տեսնում դոցայ թարախաթն (վերջացնելը—Ֆ. Պ.), ևս խօսոցայ կամ դոցայ ընկեր չե՞մ. թէ որ մէկ բան զմեզ ուզում են՝ դնում ենք, թէ որ չէ, խօս չէ, մեր խօսքով ով է, որ մեզ թոհմաթ էք գրում... որչափ դու ևս նեղացած, հազարապատիկ՝ ես, և ամբարիշտ են, Խէր շումին, միարանութիւն շումին...»²²:

Պ. Հարութիւնյանը գրել է. «Բերված նամակից երևում է, որ Ծսայի կաթողիկոսը չէր ձգտում այն բանին, որպէսզի վերջ տար հայ ավագանու միջև եղած ներքին հակասութիւններին և երկպառակութիւններին, նրա համար բավական էր և այն, որ այդ մեծամեծները անձամբ իրեն վնաս չհասցնեն»²³: Մինչդեռ, վերոհիշյալ նամակը բոլորովին նման եզրակացութեան տեղիք չի տալիս: Նամակից պարզ երևում է, որ, հակառակ Պ. Հարութիւնյանի այն եզրակացութեան, թե, իբր, նման դեպքերում Ծսայի Հասան Զալալյանը հանդես էր գալիս սոսկ դիտողի դերում, չէր ձգտում վերացնելու ներքին հակասութիւններն ու երկպառակութիւնները, ընդհակառակը, ասվում է, որ «մեք խու աջիղ իլանք դոցայ ձեռն իլթիմաղ անելէն...», որ ինքը դրանց հաշտեցման ուղղութեամբ ջանք չի խնայել «իլթիմաղ անելով»: Բացի դրանից, նա հայտնում է, որ ինքը տեղում չի եղել, դրանից առաջ էլ նրանք կուվել էին, իսկ ինքը հաշտեցրել է: Նա գրել է. «որ ես էն տեղէն դուրս եկի, գնացի ներքի գեղարէնքն, այլ չգիտեմ՝ ի՞նչ բանի վերայ այդպէս-արին: Յառաջ էլ եկելին պարիշել»²⁴: Հենց «եկելին պարիշել» արտահայտութիւնից՝ երևում է, որ նրանց հաշտեցման գործում պակաս դեր չի խաղացել Ծսայի Հասան Զալալյանը: Նամակագիրը իվան Կարապետին հայտնում է, որ այդ «ամբարիշտ», «սեր շումեցող», «միարանութիւն շումեցող» մարդկանց ինքը «ընկեր չէ», ուստի քանի որ դեպքի վայրում չի էլ եղել, հետևաբար և չպետք է իրեն կշտամբել տեղի ունեցածի պատճառով, շեջտելով, որ այդ բոլորի համար «որչափ դու ես նեղացած, հազարապատիկ՝ ես»²⁵: Ընդհանուր գործին վնաս հասցնողներին Ծսայու տված վերոհիշյալ գնահատականները ինքնին բնութագրում են նրան: Հետևաբար, ինչպես նախորդ տարիներին, այնպես էլ 1724 և, ինչպես կտեսնենք, նաև 1725 թ. ու 1726 թ. առաջին կեսին Ծսայի Հասան Զալալյանը ոչ միայն չի հեռացել ազատագրական շարժումից և գրավել պատսիվ դիրք, այլ՝ ամեն կերպ ձգտել է վերջ տալ ներքին երկպառակութիւններին: Սակայն միշտ չէ, որ դա հաջողվել է նրան, որի համար էլ նա տրտնջում է՝ «թէ ում են

²² АВПР, ф. «Сношение России с Арменией», 1739, д. 2, л. 35, հմմտ. Ա. Գ. Աբրահամյան, Մի էջ Անդրկովկասի ժողովուրդների և հայ-ռուսական հարաբերութիւնների պատմութիւնից, Երևան, 1953, էջ 178:

²³ П. Т. Арутюнян, նշվ. աշխ., էջ 233:

²⁴ АВПР, ф. Сношения России с Арменией, 1739, д. 2, л. 35, հմմտ. Ա. Գ. Աբրահամյան, նշվ. աշխ., էջ 178:

²⁵ Նույն տեղում:

լսում»²⁶։ Ուստի, եթե միջֆեոդալական կոիվների առանձին սիրահարներ կամ, իր իսկ բառերով ասած՝ «ամբարիշտներ» ու «միաբանություն» թշնամիներ երբեմն չեն լսել նրան, ապա դա նրա մեղքը չէ։

Հիշենք Վ. Ի. Լենինի այն հայտնի դրույթը, ըստ որի «Պատմական ծառայությունների մասին դատում են ոչ թե նրանով, թե ինչ չեն տվել պատմական գործիչները ժամանակակից պահանջների համեմատությամբ, այլ նրանով, թե նրանք ինչ նոր բան են տվել իրենց նախորդների համեմատությամբ»²⁷։

Այս բոլորից բացի ինչպես կարելի է անտեսել 1724—1726 թթ. ընթացքում Եսայի Հասան Ջալալյանի կողմից ռուսական արքունիքին, Պյոտր I-ի պատվիրակ Իվան Կարապետին և ժամանակի այլ նշանավոր գործիչներին ուղղված այն բազմաթիվ ջերմ ու հայրենասիրական նամակները, որոնցում նա հանգամանորեն նկարագրում է իր մասնակցությամբ Ղարաբաղում տեղի ունեցող իրադարձություններն ու միաժամանակ թախանձագին խնդրում Պյոտր I-ին, որ հնարավորության սահմաններում օգնությունը շուտ ուղարկվի։ Վկայակոչենք այդ բազմաթիվ նամակներից մի քանիսը՝ գրված 1724—1726 թթ. ընթացքում։ 1724 թ. հոկտեմբերի 18-ին Պյոտր I-ին ուղղած իրենց նամակում Եսայի և Ներսես կաթողիկոսները հայտնում են, որ «...միայն յոյս... զքեզ ունիմք մեզ ապաւեն և տէր։ ...խնդրեմք և աղաչեմք մի անփոյթ և անտես առնէր զմեզ, ...խնդրեմք որ... մեզ օգնութիւն հասնես այս մօտակայ ժամանակս...»²⁸։

1725 թ. մարտի 10-ի նամակում՝ ուղղված Ռուսաստանում գտնվող Վախթանգ թագավորին ու նրա որդի Շահնավազին, Եսայի կաթողիկոսը, հայտնելով 1725 թ. մարտի 1-ին Ղարաբաղի Վարանդա գավառում թուրքական շուրջ հինգ հազարանոց ջոկատի գլխովին ջախջախման մասին, միաժամանակ հիշեցնում է. «մեք այս բաներս ձեր արխով և ումիտով (այսինքն՝ Ռուսաստանից սպասվող օգնության հույսով—Ֆ. Պ.) ...ենք անում... մեր աչքն գիշեր և ցերեկ ձեր գալու ճանապարհին և գրին է... աղաչեմք, աղաչեմք, անտես մի առնէք զաղաչանս մեր, այլ հասէք մեզ... օգնութիւն...»²⁹։

Այնուհետև, ռուսական կողմին ուղղված 1726 թ. հունիսի 15-ի նամակում Եսայի Հասան Ջալալյանը և սղնախների մելիքները հայտնում են, որ Գանձակում գտնվող թուրքական բանակը նույն թվականի հունիսի 10-ին հարձակվել է «...Խաչենու վերայ, Ղազանչի, Ղապրթու, Չանկաթաղ անուն գեղարէնքն շափմիշ արարին, կոտորեցին, եսիր, ապրանքն տարան, մեք էլ տուս եկինք նոցա վերայ, ...կոխեցինք, կոտորեցինք, եսիրն, ապրանքն թափեցինք, փախցրինք. էլ նոր շատունք գալու են մեզ վերայ։ ...Թէ, որ ետու առաջ, շատ և փոքր, մեզ մէկ օգնութիւն անելու եք, պիտի որ վախտին հասնէք Շամախի, որ ժամանակն այս է, թէ որ անցաւ, էլ մեր հովին հասնիլ չի»³⁰։

Ինչպես տեսնում ենք, տարբեր տարիներով թվագրվող մեր հիշատակած սկզբնաղբյուրները աներկբայորեն վկայում են, որ Եսայի Հասան Ջալալյանը, նախորդ տարիների պես, 1724—1725 ու 1726 թթ. առաջին կեսին ոչ միայն

²⁶ Նույն տեղում։

²⁷ Վ. Ի. Լենին, Երկեր, հ. 2, Երևան, 1950, էջ 229։

²⁸ Г. А. Эзов, Сношения Петра Великого с армянским народом, стр. 381—382.

²⁹ Նույն տեղում, էջ 420։

³⁰ АВПР, ф. Сношения России с Арменией, 1739, д. 2, л. 61. Ա. Աբրահամյան, նշվ. աղբ., էջ 254։

չի հեռացել ազատագրական պայքարից, այլև եղել է նրա ամենաակտիվ կազմակերպիչներից ու ղեկավարներից և ազատագրական պայքարի անմիջական մասնակիցներից մեկը: Մյուս կողմից, որոշակի է դառնում նաև այն, որ մինչև 1726 թ. երկրորդ կեսը Սսայի Հասան Զալալյանը դեռևս հուլյսը չէր կտրել Ռուսաստանից սպասվող օգնությունից և շարունակում էր աղերսել, որ այդ օգնությունը որքան հնարավոր է շուտ հասցվի հայերին: Նման վկայություններ կարելի է շատ բերել, սակայն, մեր կարծիքով, այսքանն էլ բավական է լիովին համոզվելու, որ իրականությունը բոլորովին չի համապատասխանում Պ. Հարությունյանի այն տեսակետը, որ, իբր, սկսած 1724 թ. Սսայի Հասան Զալալյանը աստիճանաբար հեռացել է ազատագրական պայքարից և Ռուսաստանի օգնությամբ հայ ժողովրդին ազատագրելու շարժումից: Ուստի և Սսայի Հասան Զալալյանի 1724—1725 ու 1726 թթ. առաջին կեսի գործունեությունը չի նյարնչի անջատել նրա նախորդ շրջանի գործունեությունից ոչ ռուսական կողմնորոշման և ոչ էլ ազատագրական պայքարին մասնակցելու հարցում:

Վկայակոչելով ռուսական արքունիքին ուղղված Ավան և Օհան յուզբաշինների 1726 թ. նոյեմբերի 15-ի նամակը, Պ. Հարությունյանը Սսայի Հասան Զալալյանին համարում է դավաճան³¹:

Այդ նամակում իրոք Ավան և Օհան յուզբաշինները հայտնում են, որ 1726 թ. նոյեմբերին, երբ թուրքական բանակը Շամախուց եկավ Բարդա, Ղարաբաղի ողջ մելիքներն ու քեթխուղաները և Սսայի Հասան Զալալյանը գնացին թուրքերին ընդառաջ և նրանց հետ միասին եկան Շոշու՝ Ավան և Օհան յուզբաշինների բերդի վրա: Կռիվը տևեց ութ օր: Թուրքերը չկարողանալով գրավել բերդը, մեծ կորուստներ տվեցին, բայց և բավականին ավար վերցրած, խուսափելով վերահաս ցրտերից, վերադարձան Գանձակ: Նամակում ուղղակի ասված է. «Այս է Ղարալյալի խապարն: ՌՃՀԵ (1726) թվին, նոյեմբերի ԺԵ (15) էր, որ սարասկարն Շամախու եկաւ Պարդայ, Սսայի հոգևոր տէրն քուլ (ողջ, ամբողջ—Ֆ. Պ.) Ղարալյալի մէլիքներովն և քաթխուղովն գնացին Պարդայ սարասկարին դանշար (ընդառաջ—Ֆ. Պ.): Սարասկարն վեր կալան եկին Շոշու՝ Ավան ուզպաշին և Ոյհան ուզպաշին դալին վերայ, Ը (8) օր կռիւ արին թօփով և դօբարով, քարին մինչի կէսն կալան, էլ աւել չի կարացին գնալ: Եւ շատ ուժով եսիր տարան Ղարալյալդան...»³²: Այս նամակը վերին աստիճանի կարևոր սկզբնաղբյուր է և պետք է քննության առնել հանգամանորեն, մի բան, որ դժբախտաբար չի արել Պ. Հարությունյանը: Քաջատեղյակ լինելով այդ փաստաթղթին, այնուամենայնիվ, նա զարմանալիորեն հարցին մոտեցել է միակողմանի, որովհետև այնտեղ խոսքը միայն Սսայի Հասան Զալալյանին չի վերաբերում, այլ փաստորեն Ավան և Օհան յուզբաշիններից բացի, Ղարաբաղի բոլոր մելիքներին ու տանուտերերին: Հավանաբար նա ուշադրություն չի դարձրել նաև «քուլ» բառի վրա, որը նշանակում է բոլոր, ամբողջ: Ինչպես տեսանք, գրության մեջ ասված է. «...Սսայի հոգևոր տէրն քուլ Ղարալյալի մէլիքներովն և քաթխուղովն գնացին Պարդայ սարասկարին դանշար»: Հետևաբար, եթե ընդունենք, որ Պ. Հարությունյանի՝ Սսայի Հասան Զալալյանին

³¹ П. Т. Арутюнян. *Изд. աշխ.*, էջ 233—234, Ա. Աբրահամյան, *Изд. աշխ.*, էջ 254:

³² АВПР. ф. Сношения России с Арменией. 1739, д. 2, л. 49, հմտ. Ա. Աբրահամյան, *Изд. աշխ.*, էջ 257:

տված գնահատականը ճիշտ է, ապա ստացվում է, որ ոչ միայն նա, այլ նաև նրա հետ եղած Ղարաբաղի բոլոր մելիքներն ու քեդիսուդաները՝ որոնք տարիներ շարունակ ժողովրդի գլուխ անցած զենքը ձեռքներին պայքարել են լեզգիների, պարսկական և թուրքական բռնակալների դեմ, բացառությամբ Ավան և Օհան յուզբաշիների, դավաճաններ են:

Այժմ տեսնենք, թե իրականում ինչ է տեղի ունեցել 1726 թ. երկրորդ կեսին: Հայտնի է, որ դեռևս 1724 թ. հունիսի 12-ին Ռուսաստանի և Թուրքիայի միջև կնքվեց պայմանագիր, ըստ որի Ռուսաստանը, ելնելով իր ներքին և արտաքին անբարենպաստ պայմաններից, հարկադրված դիմեց զիջումների, հնարավորություն չունենալով այդ ժամանակ բացահայտ ռազմական օգնություն ցույց տալ հայ-վրացական ազատագրական ուժերին: Այդ պայմանագրով թուրքերը ճանաչեցին Ռուսաստանի տիրապետությունը՝ Դերբենտից մինչև Մազանդարան ընկած մերձկասպյան տարածքների վրա, իսկ Ռուսաստանն էլ ճանաչեց թուրքերի իրավունքները Իրանի անդրկովկասյան տիրույթների նկատմամբ, ներառյալ Թիֆլիս, Գանձակ, Նախիջևան քաղաքներն ու Ղարաբաղի և Ղափանի մարզերը: Այդ պայմանագրի մասին Ղարաբաղի ազատագրական պայքարի ղեկավարները մինչև 1726 թ. կեսերն անտեղյակ էին և այդ պատճառով էլ շարունակում էին ռազմական օգնություն խնդրել Ռուսաստանից, մինչդեռ պայմանագիրը թույլ չէր տալիս Ռուսաստանին հրապարակավ ցույց տալու այդ օգնությունը: Բայց երբ այդ պայմանագրի համաձայն 1726 թ. հուլիսին Անդրկովկաս ժամանեց ռուս-թուրքական նոր սահմանագիծն անցկացնող հանձնաժողովը և սկսեց իր գործունեությունը, ազատագրական պայքարի ղեկավարներին, աստիճանաբար ամեն ինչ պարզ դարձավ: Ռուսաստանի պատվիրակ իվան Կարապետին ուղղված նույն թվականի հուլիսի 19-ի նամակում Ծսայի Հասան Զալալյանը այդ մասին հայտնում է հետևյալը. «...փաշան այն եկող տեսպանն առաւ, զնաց Շամախի, որ երկուց թագաւորաց հրամանաւ տեղն սնօռ (սահման—Ֆ. Պ.) պիտի հաստատեն, տեսնումք ո՞ր տեղ կու սահմանեն, հալա մաշուր (հայտնի—Ֆ. Պ.) չի, վերջն աստուած գիտէ, թէ զինչ լինելոց է: Ապա՝ այս եկողս հենց պահեցին ներսն, դուքսն, որ մէկ մարդ չկարաց մօտանալ կամ տէսնել, կամ խօսք տալ, առնու...»³³:

Նամակից երևում է նաև, որ նույնիսկ սահմանագիծը որոշող հանձնաժողովի Անդրկովկաս գալուց հետո էլ, հայերը անտեղյակ լինելով 1724 թ. պայմանագրին, դեռևս Ռուսաստանի տիրապետության տակ անցնելու որոշ հույս ունեին. «տեսնումք ո՞ր տեղ կու սահմանեն, հալա մաշուր չի, վերջն աստուած գիտէ, թէ զինչ լինելոց է»³⁴ գրում է Ծսայի Հասան Զալալյանը: Սակայն շուտով այդ վերջը հայտնի դարձավ և նոր սահմանագծով, ինչպես նշեցինք վերևում, ոչ միայն Թիֆլիսը, Գանձակը և Նախիջևանը իրենց շրջակայքով, այլև Ղարաբաղի և Ղափանի մարզերը ևս անցան Թուրքիայի տիրապետության տակ: Սահմանագիծը որոշելուց հետո թուրքական հրամանատարությունն անմիջապես կոչով և սպառնալիքներով դիմեց իրեն հատկացված երկրամասերի բնակչությանը, պահանջելով ընդունել սուլթանի իշխանությունը, իսկ այն վայրերում, որտեղ բնակչությունը զենք էր բարձրացրել, ցած դնել զենքերը և ենթարկվել: Ահա այս պայմաններում էր, որ սկսվեց հուսալքությունը, որն

33 Ա. Աբրահամյան, նշվ. աշխ., էջ 256:

34 Նույն տեղում:

էլ իր հերթին բացասաբար անդրադարձավ հայ զինվորականության և ժողովրդի տրամադրության վրա, խախտեց ազատագրական պայքարին մասնակցող ուժերի միասնությունն ու երկպառակություն առաջացրեց շարժման մասնակիցների մեջ: Շարժման ղեկավարների մեծ մասը, այդ թվում նաև Սսայի Հասան Զալալյանը, ելնելով ստեղծված ծանր կացությունից, բնակչությանը մասսայական կոտորածից ու գերեվարումից և երկիրը հրի ու սրի մատնելուց չիրկեկու նպատակով, ինչպես նաև հուսալով, որ բարենպաստ պայմանների առկայության դեպքում Ռուսաստանը Անդրկովկասում կդիմի եռանդուն գործողությունների, որոշեցին առերես ընդունել թուրքական հրամանատարության պահանջները և մնալ Ղարաբաղում: Նրանք այլ անելիք չունեին:

Գետք է ասել, որ այդ ժամանակ թուրքերի հետ հաշտություն էին կնքել նաև հայերի դաշնակից Կարաչոռու քրդերը և Մուզանի շահսեանները³⁵: Իսկ առաջագրական պայքարի որոշ ղեկավարներ՝ Ավան և Օհան յուզբաշիններն ու ուրիշներ, հրաժարվեցին զենքը ցած գնելուց, որոշելով անհաջողության դեպքում հեռանալ Ռուսաստան: Մեր այս տեսակետի օգտին են խոսում նաև սկզբնաղբյուրները: Այսպես, ռուսական կողմին ուղղված 1726 թ. հունիսի 15-ի նամակը Սսայի Հասան Զալալյանը ավարտում է հետևյալ տողերով. «Թէ որ ետու առաջ, շատ և փոքր, մեզ մէկ օգնութիւն անելու էք... ժամանակն այս է... ապա թէ, որ իսկի բնավ մեզ օգնութիւն հասնելոյ չէք, էլ վի (դարձյալ—Յ. Պ.) մեզ մէկ սարհ (հաստատ—Յ. Պ.) չողապ գրէք, մեր փիքըն քաշեմք. որ բանն բանէն անցել է»³⁶: Իսկ Ավան և Օհան յուզբաշինները ռուսական արքունիքին ուղղած 1726 թ. նոյեմբերի 15-ի նամակը վերջացնում են հետևյալ ձևով. «Թէ որ իմանամք, թագաւորն էս երկիրս չէ կալոյ, մեզ համար քօմակ ողարկէք, որ մեք զամք թագաւորին ղուլուղ անեմք, որ մեր վերջն այս է»³⁷: Եվ իրոք, այս դեպքերից ընդամենը մեկ տարի անց՝ 1728 թ. սկզբներին. Ավան յուզբաշին իր համախոհներով, թվով 232 մարդ, արդեն Բաքվում էր, որտեղից էլ անցավ Ռուսաստան: Իսկ Սսայի Հասան Զալալյանը ենթարկվելով մի կողմից դեռևս պայքարը շարունակողների կշտամբանքներին, մյուս կողմից էլ ազատագրական պայքարից տուժածների պարսավանքներին, որ իր խաբել է իրենց, հուսալքված մահացավ 1728 թ. սկզբներին:

Այսպիսով, սկզբնաղբյուրները մեզ հնարավորություն են տալիս վստահորեն ասելու, որ ամենայն հայոց կաթողիկոսությունը ռուսական արքունիքի հետ քաղաքական կապերի մեջ է մտել դեռևս XVII դ. 70-ական թվականներին. սակայն եթե այդ ժամանակ Ռուսաստանի օգնությամբ Հայաստանն ազատագրելու շարժումն իր մեջ ընդգրկում էր հայ ժողովրդի սոսկ վերին խավի առանձին ներկայացուցիչների, ապա XVIII դ. առաջին քառորդում այդ շարժումը դարձավ ավելի մասսայական՝ ընդգրկելով հասարակության բոլոր խավերին. իսկ տարածքային առումով ժալալվելով ընդգրկեց ամբողջ Արևելյան Հայաստանը: Նման պայմաններում էջմիածինը նկատի ունենալով հատկապես Արարատյան երկրամասի հայության դեպի այդ շարժումն ունեցած համակրանքն ու ձգտումները, նույնպես հարեց այդ շարժմանը, բավարարվելով քաղաքական պայմանների ընձեռնած հնարավորություններով: Այդ հանգա-

³⁵ «Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին», կազմեց Ա. Սաֆրաստյան, հ. Ա, Երևան, 1964, էջ 159:

³⁶ Ա. Աբրահամյան, նշվ. աշխ., էջ 254:

³⁷ Նույն տեղում, էջ 257:

մանքը կարևոր դեր խաղաց նաև էջմիածնի և Գանձասարի միջև եղած տարա-
ձայնությունները հարթելու խնդրում, որոնց դրդապատճառները, ինչպես տե-
սանք, ոչ մի առնչություն չունեին հայ-ռուսական հարաբերությունների և
ազատագրական պայքարի հետ:

Միաժամանակ, կարող ենք ասել, որ թե՛ Նսալի Հասան Զալալյանը, և
թե՛ նրա համախոհները հավատարիմ մնալով ազատագրական շարժման սկզբ-
րունքներին, վերջին շրջանում ելնելով ստեղծված քաղաքական ծանր պայ-
մաններից դիմեցին կոմպրոմիսի:

ЭЧМИАДЗИНСКИЙ КАТОЛИКОСАТ И АРМЯНО-РУССКИЕ ОТНОШЕНИЯ В ПЕРВОЙ ЧЕТВЕРТИ XVIII В.

ФРУНЗЕ ПОГОСЯН

Резюме

Первоисточники, касающиеся вопросов сношений католикоса всех армян с Россией в первой четверти XVIII в., раскрывают связи Эчмиадзина с развернувшейся в Карабахе освободительной борьбой и свидетельствуют о том, что Эчмиадзин и вообще армяне Араратской области придерживались русской ориентации и стремились к освобождению своей родины с помощью России. Поэтому вовсе не соответствует действительности мнение видного историка Лео о том, что якобы в основе разногласий между Эчмиадином и Гандзасаром лежали разные подходы к освободительной борьбе и армяно-русским отношениям. Одновременно надо отметить, что в силу сложившихся условий деятельность Эчмиадзинского патриаршества в ту пору не могла иметь таких больших масштабов, какими характеризовалась деятельность Гандзасарского католикосата.

Фактический материал показывает, что ошибочным является и мнение П. Арутюняна, утверждающего, что будто в последний период своей деятельности гандзасарский католикос Есаи Хасан-Джалалян предал освободительное движение.